

## **Tusi Aualofa mai ia Tama**

### **Lo'u Afafine e / Lo'u Atalii e,**

A tonu e te leiloa a'u,  
ae oute iloa mea uma e uiga ia te oe.  
Salamo 139:1

Oute iloa taimi e te nofo ai i lalo,  
ma taimi e te tula'i ai i luga.  
Salamo 139:2

Oute masani i ou ala uma.  
Salamo 139:3

E oo lava i lauulu o lou ulu ua faitaulia uma ia.  
Mataio 10:29-31

Ona o oe na faia i lo'u lava faatusa.  
Kenese 1:27

I totonu ia te a'u e te ola ma gaioi  
ai ma e tumau ai ia te oe lava.  
Galuega 17:28

Aua o oe o se tasi o la'u fanau.  
Galuega 17:28

Na ou iloa oe a o le'i faia oe.  
Ieremia 1:4-5

Na ou tofia oe ina ua ou fuafuaina le galuega.  
Efeso 1:11-12

E le'i lilo ona faia oe, aua o ou aso uma  
o loo tusia lea i la'u tusi.  
Salamo 139:15-16

Na ou fuafuaina le taimi tonu e te fanau  
mai ai male mea ole a e nofo ai.  
Galuega 17:26

Ua faia oe i ala mata'utia male matagofie.  
Salamo 139:14

Na ou lalagaina ma ufiufi oe i  
totonu ole manava o lou tina.  
Salamo 139:13

Ma aumaia oe mai le manava o lou tina ile  
aso na e fanau ai.  
Salamo 71:6

Ua ta'u pepeloina a'u e ni tagata ae  
latou te leiloa a'u.  
Ioane:8:41-44

Oute le mamao pe ita foi, ae o a'u ole  
alofa atoatoa lea.  
1 Ioane 4:16

Ma o lo'u mana'o ia silisili ma tele  
naua lo'u alofa mo oe.  
1 Ioane 3:1

Aua o oe o se tasi o la'u fanau  
ma o a'u o lou Tama.  
1 Ioane 3:1

E sili atu mea lelei uma oute foa'iina mo oe nai  
se mea e mafaia e lou tama faalelalolagi.  
Mataio 7:11

Ona o a'u o le Tama ua silisili ona lelei.  
Mataio 5:48

O mea alofa uma e atoatoa lona lelei e te maua ua  
foaifuaina atu lea mai o'u lava lima.  
Iakopo 1:17

Aua o a'u oute foaifuaina atu mea  
aoga uma e te moomia.  
Mataio 6:31-33

O o'u manatu mo le manuia o lou lumana'i  
e tumu i faamoemoega lelei.  
Ieremia 29:11

Ona oute alofa ia te oe ile alofa e faavavau.  
Ieremia 31:3

O o'u manatu mo oe e le mafaitaulia  
pei o oneone ole sami.  
Salamo 139:17-18

Ma oute olioli ia te oe i viiga.  
Sefanaia 3:17

E le uma lo'u agalelei mo oe.  
Ieremia 32:40

Aua o oe o la'u oloa taua.  
Esoto 19:5

Oute naunau ia totoina ia mautu lelei  
oe ma lo'u loto atoa ma lo'u agaga atoa.  
Ieremia 32:41

Oute fia faaali atu ia te oe mea  
tetele male matagofie.  
Ieremia 33:3

A e saili ia te a'u ma lou loto atoa,

ona e maua lea o a'u.  
Teuteronomie 4:29

Ia e fiafia mai ma olioli ia te a'u ona ou foaiina atu lea ia te  
oe o mea uma e manao i ai lou loto.  
Salamo 37:4

Aua o a'u na foaifuaina atu mea ia ua e loto i ai.  
Filipi 2:13

E mafai ona ou faia mea e faasilisili  
atu nai soo se mea e te ole mai ai.  
Efeso 3:20

Aua o a'u o le e sili ona  
faamalosi-au atu ia te oe.  
2 Tesalonia 2:16-17

O a'u foi ole Tama e faamafanafana  
atu i ou puapuaga.  
2 Koronito 1:3-4

A e loto mafatia, o lea oute  
latalata atu ia te oe.  
Salamo 34:18

E pei ona sapaia e le leoleo mamoe lana tamai mamoe i ona lima,  
ua faapena ona ou sapaia oe latalata i lo'u fatu.  
Isaia 40:11

E iai le aso oute soloieseai ai loimata uma i ou mata.  
Faaaliga 21:3-4

Ma ou aveesea uma puapuaga na  
e mafatia ai i lenei lalolagi.  
Faaaliga 21:3-4

O a'u o lou Tama, ma oute alofa ia te oe e faapei  
ona ou alofa i lo'u lava atalii, o Iesu.  
Ioane 17:23

Aua i totonu ia Iesu, ua faailoa  
atu ai lo'u alofa mo oe.  
Ioane 17:26

O Ia lea ua tutusa lelei ma a'u.  
Eperu 1:3

Na Ia sau e faaali atu o a'u e au ma oe,  
ae oute le faasagatau ia te oe.  
Roma 8:31

Ma ta'u atu ia te oe oute  
le o maitaua au agasala.  
2 Koronito 5:18-19

Na maliu Iesu ina ia faaleleia ai oe ia te a'u.

2 Koronito 5: 18-19

O lona maliu ole atoaga lona ole  
faailoga o lo'u alofa mo oe.  
1 Ioane 4: 10

Ua ou foaia mea uma na ou manao  
i ai ina ia ou maua lou alofa.  
Roma 8: 31-32

A e maua le mea alofa o lo'u atalii lea o Iesu,  
ua e maua foi a'u.  
1 Ioane 2: 23

Ma e leai se mea na te toe  
faate'aesea oe mai lo'u alofa.  
Roma 8: 38-39

Sau loa i lou aiga male olioli ma ole a ou saunia se fiafia sili  
ona tele ua vaaia ile lagi.  
Luka 15: 7

Mai anamua o a'u ole Tama,  
ma e faavavau lava o a'u ole Tama.  
Efeso 3: 14-15

O la'u fesili, e fia avea oe  
ma se tasi o la'u fanau?  
Ioane 1: 12-13

Oute faatali atu mo oe.  
Luka 15: 11-32

**Alofa tele atu, o lou Tama.  
Le Atua e ona le mana uma.**